

եւս կարացին մնալ յերուսաղէմ, եւ դէմ եղեալ իջին 'ի  
 Յովսէփ . յայնժամ պաշարեալ զնոսա Ապու Մէրաֆ՝ պա-  
 հանջէր յիւրաքանչիւր վանաց 200 քաակ, և նոքա յանձն  
 առին փողկցայիւ վճարել 'ի Բիւզանդիոն . 'ի նոյն պահու-  
 եհաս առ նա գիր 'ի գործակատարէ իւրմէ (Գարու քեա-  
 հեասի), թէ քրիստոնեայք ոչ զփողկցայն ընկալան և ոչ  
 զդրամն ետուն՝ և գուն գործեն այսր անդր կորուսանել  
 զքեզ, ուստի քեզ մնայ կողովտել զգոսա և առաքել դը-  
 րամս առ 'ի հոգալ զգործս քո : Իսկ նա 'ի վերայ այսր  
 թղթոյ բորբոքեալ իբրեւ զհուր՝ թափեաց զցասուամն բար-  
 կութեան իւրոյ 'ի վերայ ուխտաւորաց և տեսչաց վանո-  
 րէից՝ պահանջելով 'ի նոցանէ զգումարն վճարել անդ 'ի  
 Յովսէփ . եւ նոքա խոտացան վճարել յերուսաղէմէ, և  
 ուխտաւորք արձակեալ զնացին յիւրաքանչիւր տեղիս  
 իւրեանց : Յաւուրս յայսոսիկ այլազգիք երուսաղէմի յահէ  
 բռնաւորին գումարեցին զօրս՝ որպէս յաւուրս մեծին Նա-  
 բոլիոնի, և բնակեցուցին զնոսա վրանաւ 'ի պարտէզն Հա-  
 յոց հանդէպ վանաց Ս . Յակոբայ, զորոյ պէտս սկսան հո-  
 գալ վանականք՝ իբրեւ թէ պահապան են քաղաքին, և  
 ապա առեալ յիւրաքանչիւր վանաց 22,000 դահեկանս,  
 բաց յընծայից և այլոց՝ արձակեցին զնոսա : Ապու Մէրաֆ  
 յեցեալ 'ի բռնութիւնս իւր կոչեաց զՏեսուչս վանաց ասէ՝  
 գրեցէք յերուսաղէմ առ Մերունիսն՝ առաքել առ իս ծը-  
 րարս ոսկւոյ 'ի թոշակ զօրաց իմոց, զի իմ եղեալ է 'ի մտի  
 ելանել յերուսաղէմ . լուեալ զայս վանականաց՝ խորհեցան  
 խոյս տալ անտի, բայց զմտաւ ածէին թէ 'ի գալտեան  
 նորա գուցէ մեղմասցին այլազգիք 'ի բռնութենէ, այլ ին-  
 քեանք եւս ունէին ըմպել զբաժակն դառնութեան : Տե-  
 սուչքն կատինաց և Յունաց Յովսէփի չկարացեալ տոկալ  
 բռնութեան նորին, փախուցեալ եկին յերուսաղէմ, փա-  
 խեաւ և Աբրահամ վարդապետ Տեսուչն Ռեմէի : Լուեալ  
 զայս բռնաւորին՝ բնակեցոյց զօրս 'ի վանս նոցա, և նոքա  
 քանդեալ ապականեցին զամենայն փայտակերտս և զին-  
 ուածս : Իսկ Ղազար վարդապետ չկարացեալ գտանել հը-  
 նարս փախտեան՝ մատնեցաւ 'ի ձեռս բռնաւորին . զկնի  
 գանից և խոշտանգանաց՝ վաճառեաց զոյն 25,000 դահե-  
 կանի Տեւէ կոչեցեալ զօրաց՝ զոր լուեալ Թէոդորոս Պատ-